



Broj: 01-11-2-470/23-8
Konjic, 14.03.2023. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14 i 59/22), Preporuke komisije broj: 10-11-2-470/23-6 od 14.03.2023. godine, u postupku javne nabavke "Rekonstrukcija pješačke staze u naselju Kolonija - II faza", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 10-11-2-470/23-6 od 14.03.2023. godine i ugovor za javnu nabavku radova "*Rekonstrukcija pješačke staze u naselju Kolonija - II faza*" dodjeljuje se ponuđaču **DEMUS d.o.o. Sarajevo**, ul. Hamdije Kreševljakovića br. 18/2, 71000 Sarajevo, ponuda broj: 269-II/2023 od 23.02.2023. godine, za ponuđenu cijenu, ostvarenu na e-aukciji, u iznosu od **154.000,00 KM bez PDV-a**, odnosno **180.180,00 KM sa PDV-om** kao najpovoljnijem ponuđaču.

Član 2.

Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.

Član 3.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Član 4.

Za izvršenje ove Odluke zadužuje se Služba za zajedničke i stručne poslove.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-470/23-1 od 06.02.2023. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a je 170.000,00 KM.

Gradonačelnik je Odlukom o imenovanju komisije broj: 01-11-2-470/23-2 od 08.02.2023. godine, imenovao Komisiju za javnu nabavku i zamjenske članove za nabavku radova: „Rekonstrukcija pješačke staze u naselju Kolonija - II faza“.

Na osnovu obavještenja o nabavci broj: 637-1-3-25-3-19/23 objavljenog na Portalu javnih nabavki dana 08.02.2023. godine i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 28.02.2023. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-470/23-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: šest (6);

Pristigle su ponude sljedećih ponuđača:

- „DEMUS“ d.o.o. Sarajevo, ul. Hamdije Kreševljakovića br. 18/2, 71000 Sarajevo,
- „GP ING“ d.o.o Sarajevo Hifzi Bjelevca br.5, 71210 Ilidža,
- „GD RAD“ d.d Konjic ul. 4. muslimanske brigade b.b, 88400 Konjic,
- „AGI“ d.o.o. Konjic, ul. Živašnica bb do br. 50, 88400 Konjic,
- „HP INVESTING“ d.o.o. Mostar, ul. Bišće Polje bb, 88000 Mostar,
- „GPI“ d.o.o Konjic, Sarajevska 31, 88400 Konjic.

- da su blagovremeno zaprimljene sve ponude,

- da je broj neblagovremeno zaprimljenih ponuda; nula (0),

- da su ponude ponuđača: „AGI“ d.o.o. Konjic, „GD RAD“ d.d Konjic, HP INVESTING d.o.o. Mostar i DEMUS d.o.o. Sarajevo prihvatljive, dostavljeni su svi traženi dokumenti u skladu sa zahtjevima iz tenderske dokumentacije,

- da ponude ponuđača „GPI“ d.o.o. Konjic i „GP ING“ d.o.o Sarajevo nisu prihvatljive iz razloga što cijene ponuda prelaze planirana, odnosno osigurana sredstva ugovornog organa za nabavku. Naime, ponuđač „GP ING“ d.o.o Sarajevo je dostavio Ponudu broj: OP 001-II-dj/23 od 28.02.2023. godine sa iznosom od 194.750,00 KM (bez PDV-a, dok je ponuđač „GPI“ d.o.o Konjic dostavio ponudu broj II-266.02/23 od 28.02.2023.godine sa iznosom 186.373,85 KM (bez PDV-a)) a procijenjena vrijednost nabavke iznosi 170.000,00 KM (bez PDV-a). Zakon o javnim nabavkama u članu 2. stav (1) tačka 1) alineja 2) kaže:

„1) Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:

- 1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;*
- 2) neprihvatljiva - čija cijena prelazi planirana, odnosno obezbijeđena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;*
- 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.“*

Primjenom navedenog propisa Komisija za javnu nabavku je ponude navedenih ponuđača ocijenila kao neprihvatljive.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 23. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„AGI“ d.o.o Konjic	168.704,55 KM
2.	GD „RAD“ d.d Konjic	168.993,30 KM
3.	„HP INVESTING“ d.o.o Mostar	169.761,06 KM
4.	„DEMUS“ d.o.o Sarajevo	169.822,03 KM

Komisija je, nakon analize prihvatljivih ponuda, zakazala e-aukciju za dan 09.03.2023. godine u 11:00 sati, te istu provela u skladu sa uslovima iz tenderske dokumentacije, kojom je predviđeno održavanje e-Aukcije i

Pravilnikom o uslovima i načinu korištenja e-Aukcije („Službeni glasnik BiH“, broj: 66/16). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 11:00 do 11:36 sati (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	„DEMUS“ d.o.o Sarajevo	154.000,00 KM
2.	GD „RAD“ d.d Konjic	154.630,00 KM
3.	„HP INVESTING“ d.o.o Mostar	154.800,00 KM
4.	„AGI“ d.o.o Konjic	157.600,00 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač DEMUS d.o.o. Sarajevo, na osnovu čega je jednoglasno dala Preporuku rukovodiocu ugovornog organa broj: 10-11-2-470/22-6 od 14.03.2023. godine, da se ugovor za javnu nabavku radova “Rekonstrukcija pješačke staze u naselju Kolonija - II faza” dodijeli ponuđaču DEMUS d.o.o. Sarajevo, za ponuđenu cijenu, ostvarenu na e-aukciji, u iznosu od 154.000,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti

1. Gradonačelniku,
2. „DEMUS“ d.o.o. Sarajevo, ul. Hamdije Kreševljakovića br. 18/2, 71000 Sarajevo
3. „GP ING“ d.o.o Sarajevo Hifzi Bjelevca br.5, 71210 Ilidža,
4. „GD RAD“ d.d Konjic ul. 4. muslimanske brigade b.b, 88400 Konjic,
5. „AGI“ d.o.o. Konjic, ul. Živašnica bb do br. 50, 88400 Konjic,
6. „HP INVESTING“ d.o.o. Mostar, ul. Bišće Polje bb, 88000 Mostar,
7. „GPI“ d.o.o Konjic, Sarajevska 31, 88400 Konjic
8. Službi za prostorno uređenje, građenje i obnovu.
9. Službi za privredu, finansije i društvene djelatnosti,
10. Službi za zajedničke i stručne poslove,

①, A/a

